



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o usklađivanju knjigovodstvenog stanja sa stvarnim stanjem utvrđenim popisom
na dan 31.12.2023. godine
(Prijedlog)

Predlagač: Gradonačelnica
Obrađivač: Stručna služba za poslove kabineta
i poslove Gradske uprave

Sarajevo, maj 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu članova 21., 22. i 23. Zakona o računovodstvu i reviziji u Federaciji Bosne i Hercegovine („Službene novine FBiH“, broj 15/21), članova 67., 68. i 69. Pravilnika o knjigovodstvu budžeta u Federaciji Bosne i Hercegovine („Službene novine Federacije BiH“, br. 60/14 i 99/23) i člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o usklađivanju knjigovodstvenog stanja sa stvarnim stanjem utvrđenim popisom
na dan 31.12.2023. godine**

Član 1.

Usvaja se izvještaj Centralne popisne komisije za popis o provedenom godišnjem popisu imovine i obaveza Grada Sarajeva sa stanjem na dan 31.12.2023. godinu.

Član 2.

Usklađivanje knjigovodstvenog stanja sa stvarnim stanjem utvrđenim popisom na dan 31.12.2023. godine izvršit će se u skladu sa prijedlogom Centralne popisne komisije za popis o provedenom godišnjem popisu imovine i obaveza Grada Sarajeva sa stanjem na dan 31.12.2023. godinu, po tačkama kako slijedi:

- TURISTIČKI INFO TERMINAL: Putem nadležne službe (iz navedenog dopisa Gradska služba za lokalnu samoupravu i razvoj grada) i Pravobranilaštva Grada Sarajevo dostavi odgovarajuća dokumentacija Gradskoj službi finansija kako bi se osnovno sredstvo isknjižilo sa liste stalnih sredstava.
- FONTANA BRISTOL: Otpis fontane Bristol kao stalnog sredstva, budući da ista na terenu ne postoji.
- STUDIJE IZVODLJIVOSTI: Isknjižiti iz knjigovodstvene evidencije kao stalna sredstva.
- Izraditi uputstvo za postupanje prilikom nabavke nove opreme u kojem će biti propisan način postavljanja inventurnog broja, obaveze lica koje vodi evidencije, način zaduženja uposlenika, te obaveze dostavljanja obrazaca prilikom premještanja osnovnih sredstava ili prilikom promjene korisnika.
- Sva stalna sredstva koja se vode u knjigama Gradske uprave, a nemaju karakter stalnog sredstva (utičnice i sl.) skinuti sa stalnih sredstava i evidentirati na adekvatan način.
- Predlaže se da se potraživanje od 460,00 KM otpiše, obzirom da je kupovina ostvarena u JYSK-u 31.08.2017. godine u ovom iznosu, a uzimajući u obzir da je uposlenik dostavio robu, ali nije dostavio račun.

Član 3.

Prihvata se prijedlog Stručne komisije za pregled opreme, formirane na osnovu Izvještaja i zaključka Centralne popisne komisije za popis, o provedenom godišnjem popisu imovine i obaveza Grada Sarajeva sa stanjem na dan 31.12.2023. godinu od 08.02.2024 godine, o otpisu stalnih sredstava u skladu sa dostavljenom listom o rashodovanju stalnih sredstava, koja je sastavni dio ove odluke.

Član 4.

Nalaže se Gradskoj službi za opću upravu i zajedničke poslove da pokrene proceduru uništenja sredstava koja su predložena za rashodovanje, odnosno otpis, a na osnovu prijedloga Stručne komisije za pregled opreme i dostavljene liste.

Član 5.

Nalaže se Gradskoj službi finansija da evidentira rashodovanje stalnih sredstava, a na osnovu dostavljenog zapisnika o uništenju Gradske službe za opću upravu i zajedničke poslove.

Član 6.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:

Sarajevo, __.__.2024. godine

OBRAZLOŽENJE

Odlukom o popisu imovine i obaveza za 2023. godinu, broj 01/04-11-8299/23 od 21.12.2023. godine, formirane su komisije, na čelu sa Centralnom popisnom komisijom, imenovanom Rješenjem broj 01/04-11-8299-2/23 od 21.12.2023. godine.

U sklopu dostavljenog Izvještaja Centralne komisije za popis o provedenom godišnjem popisu imovine i obaveza Grada Sarajeva sa stanjem na dan 31.12.2023. godine od 08.02.2024. godine, a povodom razmatranja pojedinačnih izvještaja komisija za popis imovine i obaveza Grada Sarajeva sa stanjem na 31.12.2023. godine, donesen je zaključak, između ostalog, i da se formira Stručna komisija koja će izvršiti pregled opreme koju komisija za popis stalnih sredstava predlaže za rashod, a koja je van upotrebe.

Rješenjem broj 01/14-04-3383/24 od 08.04.2024. godine imenovana je Stručna komisija za pregled opreme koja je nakon okončanja postupka dostavila Izvještaj o izvršenom pregledu opreme koja se predlaže za rashod, a koja je van upotrebe, na daljnje postupanje. Izvještaj sadrži listu za rashodovanje, a za koju je potrebno da se pokrene proceduru uništenja. Ova lista čini sastavni dio ove Odluke.